

STJÓRNARTÍÐINDI B 129 – 2003

17. nóvember 2003

2613

Nr. 855

AUGLÝSING

um staðfestingu reglna sveitarfélaga um úthlutun byggðakvóta.

1. gr.

Með vísan til 3. mgr. 4. gr. reglugerðar nr. 596, 8. ágúst 2003, um úthlutun á 1.500 þorskígildislestum til stuðnings sjávarbyggðum, staðfestir ráðuneytið eftirgreindar úthlutunarreglur þessara sveitarfélaga:

1. Sandgerðisbær.

Úthlutun fer samkvæmt samstarfssamningi Sandgerðisbæjar við fiskverkendur og útgerðarmenn frá 20. febrúar 2003, sem kynntur hefur verið ráðuneytinu.

2. Grundarfjarðarbær.

Úthlutað verði til fiskiskipa í eigu útgerða sem lögheimili eiga í Grundarfirði. Hluta Grundarfjarðar verði skipt milli skipa, sem gera út frá Grundarfirði í hlutfalli við landaðan afla þeirra þar á síðasta fiskveiðarári.

3. Súðavíkurreppur.

1. Úthlutaður byggðakvóti verði unninn í Súðavík.
2. Úthlutað verði til aflamarks- og krókaafلامarksskipa.
3. Fullnægi fleira en eitt skip skilyrðunum verði byggðakvótanum skipt jafnt milli báta þó skal heildaraflamark eða krókaafلامark ekki aukast um meira en 100% miðað við úthlutun í upphafi yfirstandandi fiskveiðarárs.
4. Skip sem fá byggðakvóta landi a.m.k. sama magni af eigin aflaheimildum til vinnslu í Súðavík.
5. Um úthlutunina gilda að öðru leyti ákvæði 3. gr. reglugerðar nr. 596, 8. ágúst 2003.

4. Hólmavíkurreppur.

Úthlutun fer samkvæmt samningi Hólmavíkurrepps við útgerðir og fiskvinnslu frá 30. október 2003, sem kynntur hefur verið ráðuneytinu.

5. Skagafjörður.

Skipta skal aflaheimildum milli fiskiskipa á grundvelli 3. gr. reglugerðar nr. 596/2003 þó þannig að aðeins koma til greina fiskiskip minni en 50 brúttótonn.

6. Siglufjarðarkaupstaður.

1. Skipta skal aflaheimildum milli fiskiskipa sem skráð eru á Siglufirði á grundvelli 3. gr. reglugerðar nr. 596/2003.
2. Bátum sem úthlutað er byggðakvóta er skylt að leggja til aflaheimildir að lágmarki til jafns við úthlutaðan byggðakvóta og skoðast móttækin umsókn sem staðfesting viðkomandi á því að það verði gert. Umsækendum er heimilt að bjóða fram aukið hlutfall eigin aflaheimilda og getur það haft áhrif á hlutfallslega úthlutun byggðakvóta til aukningar.
3. Afla sem fenginn er á grundvelli aflaheimilda samkvæmt 2. tl. er skylt að landa til vinnslu á Siglufirði. Skal umsókn um byggðakvóta fylgja staðfesting fiskverkunar um að afli verði unninn þar. Öllum afla samkvæmt þessari grein skal landað fyrir lok fiskveiðiárs.
4. Úthlutaður byggðakvóti er ekki framseljanlegur. Framselji útgerðir aflaheimildir á yfirstandandi fiskveiðiári skulu þær afsala sér sambærilegu magni af byggðakvótanum, sem úthlutað verður að nýju.
5. Í lok fiskveiðiárs skulu útgerðir sem fengið hafa byggðakvóta skila til sveitarstjórnar skýrslu um landaðan afla til vinnslu í því fiskverkunarfyrirtæki, sem þeir tilnefndu sem samstarfsaðila og skal skýrslan staðfest af viðkomandi vinnsluaðila. Verði skýrslu ekki skilað eða ákvæðum þessara reglna um löndun afla ekki fylgt skulu viðkomandi bátar ekki eiga rétt á úthlutun byggðakvóta komi til slíkrar úthlutunar.

7. Raufarhafnarhreppur.

Byggðakvótanum verður skipt jafnt milli þeirra báta sem sótt verður um fyrir, að uppfylltum eftirfarandi skilyrðum:

1. Fyrir hvert kíló af þorski sem bátur fær í byggðakvóta skal leggja fram tvö kíló af þorski á móti af eigin aflaheimildum. Þeim afla skal landa til vinnslu á Raufarhöfn. Skal undirrituð staðfesting fiskvinnslu um samstarf fylgja umsókninni. Öðrum tegundum en þorski er útgerðinni frjálst að ráðstafa. Þó skal landa a.m.k. 75% af aflaheimildum viðkomandi báts í gegnum hafnarvog á Raufarhöfn.
2. Útgerð báts sem fær úthlutað byggðakvóta má hvorki leigja eða selja af eigin aflaheimildum í þorski á fiskveiðiárinu 2003/2004. Bátur skal fyrst landa eigin aflaheimildum áður en byggðakvóti er færður á viðkomandi bát.
3. Aðeins einn bátur frá sömu útgerð getur fengið byggðakvóta og skal báturinn hafa verið gerður út frá Raufarhöfn undanfarið ár og ekki verði breyting þar á. Þá skal og áhöfn báts vera með lögheimili á Raufarhöfn. Sé sótt um undanþágu frá skilyrði um lögheimili skal hún vel rökstudd í umsókn.
4. Fyrir 1. júlí 2004 skulu útgerðir þeirra báta sem fengið hafa byggðakvóta gera sveitarstjórn skriflega grein fyrir því hvernig þeir muni nýta úthlutaðar aflaheimildir fyrir lok fiskveiðiárs. Geti hlutaðeigandi ekki fylgt reglum sveitarstjórnar skal hann afsala sér byggðakvótanum, sem síðan verður endurúthlutað.
5. Umsóknarrestur um byggðakvóta er til 20. desember og verður öllum umsóknum svarað fyrir 20. janúar 2004. Verði á næsta ári úthlutað byggðakvóta með svipuðum hætti og í ár mun sveitarstjórn hafa reynslu þessa árs til hliðsjónar.

8. Þórshafnarhreppur.

1. Aflaheimildum skal úthlutað til þeirra báta, sem gerðir eru út frá Þórshöfn og landað hafa afla þar, enda verði ekki breyting þar á.
2. Skilyrði er að viðkomandi útgerð flytji ekki af viðkomandi báti aflamark nema sem skipti á aflamarki.
3. Byggðakvóti Þórshafnarhrepps skiptist milli einstakra báta þannig að 70% miðast við stærð báta en 30% skiptist jafnt.
4. Hver útgerð sem úthlutað verði byggðakvóta landi a.m.k. helmingi meiri afla en sem nemur byggðakvótanum til vinnslu á Þórshöfn.

9. Borgarfjarðarhreppur.

1. Hreppsnefndin auglýsir eftir umsóknum um byggðakvóta.
2. Byggðakvótanum verður skipt jafnt milli þeirra báta sem skráðir voru og gerðir út frá Borgarfirði í upphafi fiskveiðiársins.
3. Þeir sem fá úthlutað byggðakvóta skuldbindi sig til að leggja hann upp til vinnslu á Borgarfirði. Þá skuldbindi þeir sig ennfremur til að selja ekki eða leigja frá sér aflaheimildir á fiskveiðiarinu umfram það sem þeir leigja eða kaupa til sín.
4. Telji einhver, sem hefur fengið til sín byggðakvóta, sér nauðsynlegt að láta frá sér meiri aflaheimildir en þeir fá til sín sbr. 3. tl. þá skal viðkomandi gera fyrir lok maímánaðar sveitarstjórn grein fyrir því og afsala sér jafnframt byggðakvótanum, sem þá verður skipt milli annarra báta sem úthlutun hafa fengið.

10. Fjarðabyggð.

1. Úthlutuðum veiðiheimildum verði eingöngu skipt milli þeirra skipa sem skráð hafa verið með heimahöfn í Fjarðabyggð fiskveiðiárið 2002-2003. Einnig eiga skip rétt á úthlutun ef eigendur þeirra hafa átt lögheimili og starfsstöð í Fjarðabyggð á umræddum tíma. Einungis aflamarksskip og krókaafلامarksbátar eiga rétt á úthlutun. Skal úthlutun til einstakra skipa taka mið af úthlutuðum aflaheimildum þess á fiskveiðiarinu 2002/2003.
2. Hvert fiskiskip getur fengið 10 þorskígildislestir að hámarki.
3. Einungis verði úthlutað til þeirra sem leggja fram samkomulag við fiskvinnslustöð í Fjarðabyggð um vinnslu þeirra aflaheimilda sem sveitarstjórn úthlutar. Jafnframt skulu útgerðarmenn hlutaðeigandi skipa lýsa yfir vilja sínum til að láta vinna í Fjarðabyggð af eigin aflaheimildum sama fjölda þorskígilda og sveitarstjórn úthlutar skipum þeirra.
4. Verði útgerð vís að því að fylgja ekki skilyrðum þeim, sem sett eru varðandi vinnslu afla í Fjarðabyggð, fyrirgerir hún rétti sínum til hugsanlegrar úthlutunar á næsta ári, að óbreyttum reglum.

11. Djúpivogur.

Skipta skal aflaheimildum milli fiskiskipa á grundvelli 3. gr. reglugerðar nr. 596/2003, þó þannig að einnig koma til greina bátar undir 6 brúttotonnum, sem ekki eru skráðir frá Djúpavogshreppi enda eigi eigendur þeirra lögheimili þar eða slíkir bátar alfarið gerðir út frá Djúpavogi.

2. gr.

Að þessari auglýsingu birtri skulu sveitarstjórnir auglýsa eftir umsóknum og kynna úthlutunarreglur. Að loknum fresti sem sveitarstjórn veitir til umsókna, gerir sveitarstjórn síðan tillögur til ráðuneytisins um endanlega skiptingu aflaheimildanna milli einstakra fiskiskipa. Fallist ráðuneytið á tillögur sveitarstjórna koma þær til framkvæmda. Að öðrum kosti er aflaheimildum skipt milli einstakra fiskiskipa á grundvelli 3. gr. reglugerðar nr. 596/2003.

3. gr.

Auglýsing þessi er gefin út samkvæmt 3. mgr. 4. gr. reglugerðar nr. 596, 8. ágúst 2003, um úthlutun á 1.500 þorskígildislestum til stuðnings sjávarbyggðum, til að öðlast þegar gildi.

Sjávarútvegsráðuneytinu, 17. nóvember 2003.

F. h. r.

Jón B. Jónasson.

Þórður Eypórsson.

REGLUGERÐ

um ullarmat.

1. gr.

Öll ull skal metin í einhvern eftirfarandi gæðaflokka.

A. HVÍT ULL

H – Lambsull: Hvít hastrúin ull af lömbum. Í þennan flokk fer eingöngu vel hvít og fremur togfín og gljáandi ull sem er nær alveg laus við gul hár. Ullin skal vera algerlega laus við rusl eða heymor og húsagulku.

H – I. flokkur: Hvít ull, sem er nær alveg laus við gular illhærur, gallalaus og óskemmd. Í þennan flokk fer eingöngu ull sem er algerlega laus við rusl, mor, húsagulku og tvíklippingu. Ullin skal vera fremur togfín, þelmikil og gljáandi. Kviðull, læraull og hnakkauull skal að jafnaði tekin frá og sett í lakari flokk. Snoð skal vera lengra en 6 sm og uppfylla að öðru leyti ofangreindar kröfur.

H – II. flokkur: Hvít ull sem ekki er tæk í H - I. flokk vegna gulra illhæra, lítills háttar húsagulku eða lítills háttar þófa en laus við heymor. Einnig ull með gróft tog eða þel-
lítill, en að mestu laus við tvíklippingu, ásamt snoði sem er lengra en 4,5 sm. Mikið gul ull og ull með miklu af dökkum hárum er ekki tæk í H - II. flokk.

B. MISLIT ULL.

M – I. flokkur svart: Óskemmd svört ull með jafnan og hreinan svartan lit.

Laus við grá hár, þófa, heymor, rusl og aðrar húsvistarskemmdir og laus við tvíklippingu. Svart snoð lengra en 6 sm. Kviðull og læraull skal að jafnaði tekin frá.

M – I. flokkur grátt: Óskemmd grá ull með steingráan litblæ, laus við gulan eða grámórauðan litblæ. Að öðru leyti eins og M - I. flokkur svart.

M – I. flokkur mórautt: Óskemmd mórauð ull með jafnan og hreinan mórauðan lit (ekki grámórauð). Að öðru leyti eins og M - I. flokkur svart.

M – II. flokkur: Öll önnur óskemmd mislit ull, þ.e. ull af flekkóttu, grámórauðu, botnóttu og golsóttu fé, ásamt „hvítri“ ull með miklu af gulum illhærum, dökkum hárum eða